deremo trovare nostra justicia, perchè ne rendemo certi che questa superchiaria a noi facta è più presto particulare che publica, noi non semo si abiecti che non possamo con grato nostro animo ricompensare qualche beneficio receputo, et tam pocho non semo si terreni che non sentiamo li stimuli a noi a torto dati, e non possemo contentare ne vediamo spogliare de le cosse nostre da quelli che dismostrano con dolce parole a noi esser amicissimi. Et per tanto pregamo le magnificentie vostre voliano contentare se de la ragione, et non tractare le cose nostre come è sta facto per lo passato et senza conforme a la reciprocha benivolentia nostra et a la antiqua amicitia nostra tenemo con la illustrissima Signoria.

Valeant felices magnificentie vestre. Date Rhodij die 3.º febrarj 1509 ab incarnatione.

> FRANCISCUS EMERICUS D' AMBOYSE Magister Rhodi.

A tergo: Excellentissimis, magnificis ac nobilibus patricijs venetis, domino lucutenenti, capetanio et consiliarijs Cypri, amicis nostris, honorandissimis.

Ricevute, die 13 febrarij 1509.

Anchora che per altra mia habia dinotato a la magnificentia vostra molte cosse necessarie de provision per beneficio di questa insula, non resterò iterum de replicare et dinotare due cose importantissime verso la securation de Famagosta et Cerines, lochi importantissimi, a li qual è necessario de provederli de homeni per guardia de quelle artellarie et altre cose necessarie, perchè fabricando et facendoli forti, non havendo chi li guarda, meglio saria non a fabrichar, ma salvare i danari. Costerà solum la porta che se lavora de presente ducati 12 milia, et ut tantus labor non sit admisus, l'è necessario de provederli de bon presidio de zente. Vostra magnificentia intenderà quando l'accadesse che lo inimico volesse combater dicto loco bisogneria da homeni 5000, ne anchora sariano bastanti. Al presente se ritrova in dicta terra tra page in nomine sed non in re et homeni de la terra in tulto 1400, computato 800 page, de le qual non se ne trazeria 300 homeni da facti ad summum. Et per questo, questa camera ha di spesa da ducati 15 milia, i quali sono butati al mare per esser manzati da 17 contestabili et da 40 caporali de li 300 fanti che veneno questo marzo qui, et non se ne atrova 100 per la bona compagnia li è stà facto sono andati ra-

menghi per l'isola domandando per lo amor di Dio. In luogo de quelli sono sta tolti homini da la terra cum bisanti tre al mese, meglio seria stato non fosse stà tolto alcuno per il beneficio de la camera maxime non togliendo forestieri. Li contestabili sono facti mercadanti, loro comprano tutte le page, e el camerlengo che era solito de andar a pagar pol far de mancho, perchè impedito, li danari vien dati in le mano de contestabili, et loro li parteno a suo modo. lo che ho visto la cosa, scrivo che de lì se proveda, perchè anche le coste sono in pericolo: quelli signori provedano per qualunque via li par, il tutto sarà ben facto.

Mandino uno governador a governo de queste lanze spezate, che uno non vol obedir l'altro: sono tuti confusi: et pochi de loro sono da esser apreciati: et cum effecto convien cerchar cussi, per la pocha experientia sua. Ad uno bisogno ch' el occoresse non se prevedando, starà in gran pericolo la cosa. L'è da mandar le artegliarie et munition sono stà 48° rechieste per questo regimento per li capitanj di dicto loco, perchè de le altre cose de qui se hano provisto et se provederano.

Et loco de Cerines importantissimo, et per mio judicio compiacendose de fabricar, sarà più forte de Famagosta. Fazo gran caso de dicto loco, per il qual molte volte è stà recuperato questo regno ; se atrova de homeni 200 omnibus computati tra uteli et inutili, ne è da fidarsi per niente niuno intri dentro. Imo farlo abitar da le fameglie nostre venete, et cussì Famagosta etiam non sono secure, ne se potrà mantegnir per alcun modo, a le qual fameglie se li pol proveder cento per Famagosta et 50 per Cerines, a Famagosta non vol esser mancho per condition alcuna, in Cerines almancho 25. A li qual tute se li pol dar provision de terre, sichè non serà in danno alcuno de questa real, cum la oblation de tre eavalli per fameglia, et sarà cosa de gran sustentamento a questo regno. Se pol attegnir dentro de Famagosta 200 provisionati et 100 cavalli de più de stratioti, in loco de li turcopoli: quale è spesa butata via si per la infedeltà loro, come per il pocho cor suo; et questo è stà visto questa estate. Se potria de questi 400 lassarne 50 a li lochi soliti, el resto cassar. Se ha de spesa per dicti turcopoli ducati 2000, per le fantarie di Famagosta 15 milia, per stipendiati qui a la camera ducati 4000, tuti butati in aqua, pagati in tempo di bonaza, et in tempo de qualche adversità la mazor parte de loro ne sariano inimici; ascende questa summa de danari a ducati 21 milia.